

*Aimoinus
lib. de transf.
lat. S. Ger-
mani Epis-
copi apud
Surium 25
jul.*

Erstwinus.

*Confir-
mat dona-
tiones
Corbei-
ensibus
factas.*

Nortmannorum, Sclavorum, & Bulgarorum legationes acceptæ expeditæque: adeo tum celebrata Paderborna; tanquam cum Carolo M. & Ludovico Imperatore auspicia rerum per Saxoniam & Septentrionem gerendarum ex hoc loco capere lætum ac solemne fuerit. Et verò quia Carolus Rex Franciæ occidentalis per legatos sollicitarat opem Ludovici adversus Nortmannos, Rex Cobbonem Comitem ad Rorichum in Gallias Nortmannorum Ducem mittit legatum, qui Barbari animum mitigaret contineretque à fœdis Galliarum depopulationibus. Is, ut ex Gallijs ad Ludovicum Regem est reversus, quas viderat calamitates, effrenisq; populi spolia & sacrilegia retulit, quæ non sine indignatione Ludovici ac Saxonum audita sunt. Nihil interim horum Dani Nortmannive in Saxonia, & Ludovici regno perpetrare ausi sunt, quod, dum vixit, à Barbara hac gente intactum servavit, Lothario, qui Imperatoris nomen gerebat, aut venationi dedito, aut per inertiam desidente, aut cum Burgundis per intestinos motus conflictante. Cobbo, quem diximus, Comes haud secus, quàm Ludolphus ea tempestate inter Saxones consilio & manu promptus, magna apud Regem gratia & auctoritate pollebat; crediturque hic idem esse, quem Teclenburgenses primum suum comitem celebrant. Cetera, quæ in his Paderbornensibus comitijs pro statu Ecclesiæ per Saxoniam formando reparandoque his bellis sunt gesta, temporum injuria periëre, Francis Scriptoribus in res civiles tantummodo intentis. Nec enim dubitare fas erit, Ludovicum postquam Germaniæ trans Rhenum Saxoniamque Regnum ex divisione Franciæ adiit, hanc sibi curam, avi patrisque exemplo, inter primas sumpsisse. Reperio interim hoc anno duo præclara Ludovici Regis diplomata Paderbornæ consignata, quorum altero Corbeiensibus Huxtariam & fundum cœnobij confirmat, liberamque eligendi Abbates potestatem facit. Id hoc loco ex Originum literis adscribere visum est.

In nomine Sanctæ et Individuæ Trinitatis. HLudovicus divina favente gratia Rex. Cùm in nomine unice et perpetuæ Trinitatis pro Regimine S. Matris et universalis Ecclesiæ, etiam et pro statu regni nobis divinitus et paterno jure commissi Patherbrunnen pervenimus, aderant inter cæteros fideles nostros quidam Monachi cum venerabili eorum Præposito Uvalanae, ex monasterio, quæ nova Corbeia nuncupatur, coramque familiaribus Consiliariis nostris in præsentiam culminis nostri adducti attulerunt Domni ac genitoris nostri HLudovici excellentissimi Imperatoris quoddam præceptum, in quo continebatur, qualiter idem Christianissimus Imperator præfatum monasterium in honorem S. Stephani Protomartyris Christi super fluvium Wisera, in villa regia, in loco dudum nuncupante Hucxeri Adalhardo cuidam seni Abbati germanoque suo Uvalanae construi ac fabricari præcepisset, obsecrantes clementiam Serenitatis nostræ, ut pro majori firmitate ac certiori studio securitatis,

v. MS. Walone.

v. MS. Walone.

curitatis,